

S **LO**
Afl. 1.25

BRIYANDO FUERTE • TRECIENDO CLARIDAD
DIALUNA 10 FEBRUARI 2025

Di Pueblo

**CFT TA CONFIRMA CU
ARUBA A USA SURPLUS
PA PAGA 173 MIYON NA
DEBE DEN AÑA 2024**



WWW.SOLODIPUEBLO.COM



SOLODIPUEBLO@GMAIL.COM

Na Madiki:
**PERSECUCION A
TERMINA CU UN
TIRO MORTAL DI
POLIS RIBA HOBEN**



**GOBIERNO A BAHAMAS DEBE Y A YEGA 70% DI GDP
DEN 2024, HOPI MAS PROMETE CU ACUERDO DI 2031**



Celebrando 54 aña di Partido MEP:

**UN LEGADO DI
LIDERAZGO, VISION
Y LOGRONAN DI UN EKIPO
DETERMINA**

**A CORONA
FREDDY RASTA
COMO REY DI
SOCA 2025 CU
'1 FOR UNITY'**



**TRABOU DI MANTENCION
RIBA LIÑA DI DISTRIBUCION
BARCADERA**

Interupcion di Coriente Planea

En conexon cu trabounan necesario pa mantene
un suministro di coriente confiabel,
e servicio di coriente lo wordo interumpi:

**Diaranson, 12 di februari 2025
8:00 AM te cu 4:00 PM**

Den vecindario di:

- Sabana Grandi (un parti)
- Barcadera (un parti)
- Caya Frederico Maduro (un parti)
- Rooi Bosal (un parti)

N.V. ELMAR ta pidi disculpa pa e inconveniencia cu e
interupcion di coriente aki por causa.

Danki pa e comprension.



ELMAR

Na Madiki: PERSECUCION A TERMINA CU UN TIRO MORTAL DI POLIS RIBA HOBEN



Ayera pa 5'or di mainta patruya di Noord ta meld na central di Polis cu nan lo ta persiguiendo un auto marca Toyota modelo vitz cu ta coriendo inresonsabel (roekeloos) cu luz paga.

Polis ta duna señal pa e para pero e chauffeur no a sigi ordo di polis.

Na altura di Madiki ta purba para e auto y na unda cu segun prome informe a manda auto riba polis. Polis na su turno lo mester a tira y na unda esaki lo a alcanza e chauffeur masculino di e auto.

Polis na su turno ta pidi pa

ambulance y hefenan pa bin na e sitio cu maximo urgencia. Ambulance ta yega na e sitio di e sucedido y ta brinda asistencia na e chauffeur pero lamentablemente no por a haci nada mas p'e.

Dr.forensico ta presenta y ta constata morto di e

hoben di inicial A.C.L. di 19 aña.

Polis technico, slachtofferhulp y demas autoridad a presenta pa haci nan investigacion.

Cuerpo Policial Aruba ta manda palabra di condolencia na famia

di e fayecido den e caso lamentable aki .

Landsrecherche tambe a presenta pa haci nan investigacion pa motibo cu ta trata di envolvimiento di agentenan policial. No por duna mas detayes mirando cu e caso ta bao investigacion.

GOBIERNO A BAHÁ DEBE Y A YEGA 70% DI GDP DEN 2024, HOPI MAS PROME CU ACUERDO DI 2031

Den un evaluacion reciente publica door di College Aruba financieel toezicht (CAft), a pone na cla cu e debe di Aruba ta na un tendencia di bahada. Segun CAft, e “schuldquote” – e porcentaje di debe compara cu Producto Bruto Interno (BBP) – ta bai na un nivel mas

sostenibel y lo acerca e límite di 70% di BBP den 2024, manera stiupla den e normanan di Landsverordening Aruba tijdelijk financieel toezicht (LAft), cual ta mas lihe cu aña 2031 cu a acorda.

CAft a indica cu e desaroyo positivo aki ta un resultado di esfuerzo continuo di e gobierno Arubano pa cumpli cu su compromisonan financiero. Reduccion di debe ta crucial pa mehora e sostenibilidad di e finansa publicl di e isla.

A CORONA FREDDY RASTA COMO REY DI SOCA 2025 CU ‘1 FOR UNITY’

Un anochi di energia, alegria y pasion puro pa soca a crea un ambiente inolvidabel, caminda Aruba a corona su Rey di Soca 2025. Desde trempa anochi, e tarima tabata cla pa un competencia hopi preta. Awasero a cay na mes momento cu Tsunami tabata presentando, pero esaki no a stroba e fiesta grandi. E tabata mas bien un bendicion.

Cerca di 5’or di mainta, tabatin e gran anuncio: Malaghy Richardson, conoci como Freddy Rasta, a bira e Rey di Soca 2025. El a subi riba escenario hunto cu Massive Brassband y Tsunami, celebrando su victoria cu ‘1 for Unity’, un cancion cu a lanta animo di tanto e hurado como e publico. Na di dos lugá a keda Queen

Shine, cu e temibel ‘Soca is life’, acompaña pa N’Fuzion. E publico caba tabata fascina cu esaki den e fase preliminar. Galloway, cu su ‘Dr. Carnival Lecture’, a drenta na di tres, respalda pa Tsunami.

T-Money, cu su energia y ritmo di ‘Soca Daddy’, a keda na di cuater lugá, cu e apoyo di Groove Masters. Blacky, cu su temibel ‘Tell them’, tabata e di cinco finalista, tambe cu Groove Masters.

Freddy Rasta, yena di emocion, a comparti su gratitud riba Facebook, dunando un danki special na tur sponsor cu a deposita nan confiansa y a yuda su soño bira realidat. ForenSys Aruba, Champagne Carnival

Group, Horacio Oduber Hospital, Tsunami Aruba, Big Mama Grill San Nicolas, Elite Empire Entertainment, HLNy y Astrid Raven tabata entre e apoyo mas grandi. E tambe a duna un danki special pa Jeon y Rygel Emanuel Isabella, cu nan formula secreto di exito.

Minister di Turismo demisionario, Dangui Oduber, tabatin e honor di corona e Rey di Soca 2025, mientras cu Anthony Irausquin di NV Elmar a entreg’e un certificado di un aña di coriente gratis como premio pa su logro.

Na final, Freddy Rasta a expresa su amor pa su familia, su team y tur persona cu a apoya ‘1 for Unity’.



Con un brasa grandi pa Aruba, el a conclui: “RAMBADAM BADAM!”

CHAUFFEUR DI UN NISSAN TIIDA A DAL UN TOYOTA YARIS BIR'E 180 GRADO NA CRUSADA CU J.G. EMANSTRAAT

Diabierna mainta a drenta informe di un accidente na e crusada Emmastraat cu J.G. Emanstraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un Nissan Tiida biniendo for di Emmastraat no

a duna preferencia na e Toyota Yaris biniendo for di J.G. Emanstraat y a bay dal esaki bir’e 180 grado.

Aunke e impacto tabata fuerte afortunadamente ningun hende a resulta herida.



AMBULANS A BAY NA BUSHIRI BEACH PA UN TURISTA CU TABATA HAYANDO ATAKA



Diabierna merdia a drenta informe di cu un turista ta hayando ataka na Bushiri Beach, mesora a dirigi ambulans na e sitio. Na yegada di e ambulans nan a cuminsa practica CPR cu e victima y a pidi pa un segundo unidad pa sigui cu e CPR. Na yegada di e segundo unidad nan a sali caminda pa hospital racticando CPR.



ACCIDENTE NA ROTONDE PALM BEACH ORA AUTO A CAMBIA DI BANDA



Diasabra madruga a drenta informe di un accidente na rotonde Palm Beach, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un chauffeur riba e rotonde a bay cambia di banda drechi pa banda robes y a bay dal e auto na su banda robes. Afortunadamente no tabata tin heridos den e accidente aki.



ACCIDENTE NA BUBALI ENTRE UN MOTOCICLISTA Y UN KIA PICANTO, E MOTOCICLISTA A CORE BAY NA PIA



Diabierna atardi a drenta informe di un accidente cu hende herida na Bubali, mesora a dirigi tanto polis como ambulans na e sitio. Na yegada di e patruya a bin compronde cu e motociclista a core bay na pia lagando e motorcycle meymey di caminda y su helm nobo nobo. Un truck di Aruba Agencies a pasa



hala e brommer for di helm. caminda y nan a bay cu e

CFT TA CONFIRMA CU ARUBA A USA SURPLUS PA PAGA 173 MIYON NA DEBE DEN AÑA 2024

Den su ultimo evaluacion di e situashon financiero di Aruba, College Aruba financieel toezicht (CAft) a resalta un punto positivo: gobierno di Aruba a usa e surplus financiero pa reduci su debe. Segun CAft, pa 2024, un suma di 173 millon florin Arubano ta destina pa paga debe. E logro aki no solamente ta yuda stabilisa e finansa di gobierno, pero tambe ta bira un paso importante pa fortalece e posicion economico di e isla.

CAft a splica cu uso di e surplu di sector colectivo pa pago di debe ta crucial pa mantene un balansa financiero saludable. E accion aki lo permiti hasi Aruba menos dependibel di prestamo nobo y ta evita un aumento innecesario den

gasto di interes. Den un contexto unda gasto di interes ta representa caba 17% di e presupuesto nacional, e reduccion di debe por libera mas fondo pa otro area necesario, manera salud, enseñansa, y infraestructura.

Pa logra e resultado positivo aki, e gobierno Arubano ta traha cu un plan structural pa asegura cu cada florin di e surplus ta inverti corectamente. Adicionalmente, CAft ta enfatiza cu Aruba mester sigui traha pa asegura cu e surplus di otro entidadnan di sector colectivo, manera Algemene Ziekteverzekering (AZV), Aruba Tourism Authority (ATA), y Sociale Verzekeringsbank (SVb), tambe wordo destina pa pago di debe.

Uso strategico di e surplus financiero por tin un impacto positivamente duradero. Pa un banda, e reduccion di debe lo yuda aumenta confianza den e mercado financiero. Pa otro banda, e gasto di interes mas abao lo habri espacio pa inversion den desaroyo di e isla y bienestar di su habitantenan.

CAft ta remarca cu maneho di debe responsable no solamente ta un meta di corto termino, pero tambe ta un paso fundamental pa e sostenibilidad di finanzas publico na futuro. “Aruba ta haci progreso positivo,” segun CAft, “pero e proceso aki ta un esfuerzo continuo y hopi importante pa mantene.”

GOBIERNO A LOGRA TRECE GASTONAN DI PERSONAL DEN NIVEL DI 10% DI BBP DEN 2024, 3 AÑA MAS PROME CU LO ACORDA NA 2027

Den e carta publica dia 6 di Febuari 2024, College Aruba financieel toezicht (CAft) a yama atencion riba e importansia di controla e gastonan di personal na Aruba. Segun e carta oficial, CAft ta enfatiza cu ta crucial pa sigui e norma di 10% di BBP pa gasto di personal, un meta cu ta stipula pa logra den 2027.

Den e carta, CAft a splica cu “Op basis van deze cijfers zullen de personeelslasten in 2024 vermoedelijk lager uitvallen dan het plafond van 10 procent van het bbp dat vanaf 2027 geldt.” E proyeccionnan pa 2024 ta positivamente den e direccion di e norm, pero CAft ta insisti cu e


progreso mester sigui den e plan di largo plaso.

Resumiendo, Loke Aruba mester a yega na 2027, a wordo alcanza na 2024. Cft ta pifi pa sigui hasi analisis pa segura cu tin transparencia den e gastonan di personal.

DAMA CHAUFFEUR A BIRA PA DRENTA CURA PERO AUTO BASTA DURO SU TRASA PURBA PAS'E BANDA DRECHI



Diabierna atardi a drenta informe di un accidente cu hende herida na Plantersrust, mesora a dirigi un ambulans na e sitio. Na yegada di e patruya a bin compronde cu aki ta trata di un accidente unda un Audi a bay tuma un bocht grandi pa bay drenta cura pero na mes momento un Nissan Versa su tras cu velocidad a bay purba pas'e na banda drechi y e Audi a manda



e Versa den cura dal riba algun klinkers. Debi na e impacto e chauffeur di e

Versa a resulta herida. Na yegada di e ambulans nan a atende e victima.

Comparti e noticia y ban celebra poesia dedica na nos dushi baranca stima!

INSCRIPCION A HABRI PA INSCRIBI PA PARTICIPA PA "POETA DI PATRIA" 2025



Como tradicion di tur
año den luna di maart,
nos luna di cultura, nos
pueblo ta prepara pa
celebra nos identidad y
cultura cu e competencia
di Poeta di Patria (PdP)
2025. Departamento di
Cultura Aruba, Comision
Celebracion Dianan
Nacional y Fundacion
Corrector di Papiamento

ta anuncia cu inscripcion
ta oficialmente habri pa e
edicion di 2025 di PdP.
Fecha y detayenan
importante:
Fecha di Competencia: 12
di maart 2025
Luga: Fort Zoutman
Orario: 7:00 pm - 10:00
pm
Ultimo dia pa inscribi: 3 di
maart 2025




Ultimo dia pa entrega
poesia: 7 di maart 2025
Inscripcion y Participacion:
Tur persona apasiona
pa participa por inscribi
mandando un e-mail na
artedipalabra@gmail.
com . Participantenan lo
ricibi criterionan di PdP,

un ehempel di poesia, y
un flyer informativo pa
comparti.
Cada edicion di PdP ta un
oportunidad pa poetanan
na Aruba expresa nan amor
pa nos isla, nos idioma y
nos cultura. Inscribi awe

mes y derama bo amor pa
Aruba cu bo palabra!
Pa mas informacion of
preguntanan, por tuma
contacto cu Departamento
di Cultura Aruba via
e-mail of telefonicamente
na 582-2185.

ACCIDENTE NA E CRUSADA CAYA ING. ROLAND H. LACLE CU VAN LEEUWENHOEKSTRAAT



Diabierna atardi a drenta
informe di un accidente
na e crusada Caya ing.
Roland H. Lacle cu Van
Leeuwenhoekstraat,
mesora a dirigi un patruya
na e sitio.

Na yegada di e patruya
a bin compronde unda e
Ford Focus biniendo for
di nort a bira dilanti e
Hyundai i 10 cual tabata
bayendo nort y nan a dal
den otro.

Afortunadamente ningun
hende a resulta herida.



Partido MEP:

Celebrando 54 año di Partido MEP:

UN LEGADO DI LIDERAZGO, VISION Y LOGRONAN DI UN EKIPO DETERMINA



54 año pasa, dia 9 di februari 1971, señor Gilberto François "Betico" Croes a funda Movimiento Electoral di Pueblo (MEP), un partido politico cu a cambia e curso di historia di Aruba pa semper.

Gilberto François "Betico" Croes

Betico Croes, un lider carismatico y determina, tabatin un soño pa un Aruba cu ta para den su propio sapato. Su creencia firme den e potencial di Aruba, tawata e forsa cu a pone lanta na buskeda di Status Aparte, un status separa den Reino Hulandes. Despues di añanan di lucha incansabel, e soño di Betico y di e pueblo Arubiano a bira realidad dia 1 di januari 1986, ora cu Aruba a logra su independencia como un pais autonomo. Aunke Betico a fayece poco prome cu e momento historico aki, su legado como e politico cu finalmente a logra Status pa Aruba y como "Libertador di Aruba" ta keda di generacion pa generacion, y MEP ta sigui ta un simbolo di su vision duradero.

Nelson O. Oduber

E di dos lider di MEP, señor Nelson O. Oduber, a tuma e liderazgo di e partido y a bira e prome Prome Minister di Aruba pa Partido MEP. Oduber a sirbi como Prome Minister pa un total di 16 año den 4 mandato. Señor Nel Oduber, durante su gobernacionnan, a pone e pais aki realmente para riba su pia cu principio di bon gobernacion, a logra scrap e fecha di independencia pa asina awe nos por lanta nos yiunan y nan yiunan den e libertad di nos Status Aparte. Bou di su liderazgo, Aruba a experencia crecimiento economico significativo, specialmente den turismo, cu a bira e columna vertebral di e isla. Oduber a duna prioridad na educacion, infraestructura y desaroyo sostenibel, asegurando Aruba su luga como un nacion prospero den Caribe. Su dedicacion na e vision di Betico pa autodeterminacion y progreso a fortalece e rol di MEP como un pilar politico Arubiano.

Evelyn Wever-Croes

Awendia, Partido MEP ta ser lidera pa señora Evelyn Wever-Croes, e prome Lider femenino di Partido MEP desde 2011, guiando un ekipo di candidato determina pa trece cambio y haci diferencia positivo den bida di tur ciudadano di Aruba. Na 2017, Evelyn Wever-Croes a haci historia como e prome Prome Minister femenino di Aruba. Un lider dinamico y progresista, Wever-Croes a enfoca riba modernisa e economia di Aruba, promove igualdad social y maneha desafionan grandi. Su maneho a pone e escenario pa un futuro sostenibel caminda Aruba ta keda lider den energia renovabel y innovacion den nos area, mientras cu ta continua pa crea un sociedad cu ta priorisa oportunidad y empoderamento. Su liderazgo durante e pandemia di COVID-19 a muestra su resiliencia y compromiso pa e bienestar di tur Arubiano. Bou di su guia, MEP ta sigui mantene e balornan di su fundadonan mientras ta adapta na e necesidadnan di un generacion nobo.

Candidatonan determina pa e mesun causa

Durante 54 año, Partido MEP a conta cu 178 candidato riba su listanan



prestigioso. Homber y muhenan, cada uno cu su propio historia y contribucion, a forma parti di e trayectoria di Partido MEP, tur cu e mesun dedicacion pa lucha pa e mesun causa y na e mesun normay balornan cu a funda e partido. Candidatonan determina pa representa union y progreso, trabou duro y amor pa Aruba. Nan a y ta lucha pa e bienestar di nos pueblo, pa un futuro miho pa tur ciudadano. E dedicacion di e homber y muhenan aki ta un reflexion di e compromiso di union cu a haci cu MEP ta mantene un legado duradero den historia di Aruba.

Conclusion

E trayectoria di MEP, for di e soño di Betico Croes pa Status Aparte te na e liderazgo transformado di Oduber y Wever-Croes, ta un simbolo di e poder di vision, perseverancia y union. Pa 5 decada, tanto den gobernacion, Parlamento of como partido, Partido MEP ta guia y dirigi Aruba na direccion di progreso y prosperidad. Partido MEP ta kere cu tin miho dianan pa Aruba, inspira pa e legado di su lidernan remarcabel y un ekipo di candidato determina pa gara e bandera di libertad y sigui cu e lucha pa mas prosperidad pa nos pueblo.

Prome Minister Evelyn Wever-Croes: Despues cu studiantenan na Hulanda a pidi p'e **GOBIERNO DI ARUBA A INSTALA E PROME STUDENTENRAAD NA HULANDA**



Durante su bishita na Hulanda pa varios reunion, Prome Minister Evelyn Wever-Croes tabata presente na Kabinet di Gevolmachtigde Minister di Aruba na Den Haag, Arubahuis, pa instalacion di e prome Studentenraad pa Aruba na Hulanda.

Prome Minister a indica

cu e idea pa cu e proyecto aki a cuminsa 1 año pasa durante un reunion cu el a atende cu e studiantenan, na unda nan a bin cu e recomendacion aki dilanti. Awor un año despues Gobierno di Aruba a logra cumpli cu e studiantenan aki instalando asina e “Studentenraad” cu tanto nan a pidi p’e.

Pa haci e proyecto aki uno exitoso, a busca studiantenan di Aruba cu ta estudiando na Hulanda den diferente region pa bira miembro di e Studentenraad. Nan tarea como miembro ta pa representa e studiantenan na Hulanda y pa trece nan puntonan di preocupacion y/of recomendacionnan dilanti. Tambe e studiantenan aki lo tin e derecho di “inspraak”, esaki kiermeen cu nan lo tin algo di bisa den e maneho general cu Gobierno di Aruba ta aplica.

Hunto cu nan mentor di cada region, e studiantenan aki lo ta encarga pa inventarisa kico ta e necesidadnan cu tin y pa bin cu proposicionnan pa cu solucion. E meta di esaki ta pa Gobierno por logra atende e necesidadnan aki pa asina mehora e calidad di bida di cada estudiante di Aruba na Hulanda. Esaki sigur lo yuda cada estudiante pa asina nan por ta exitoso den nan estudio.

“Mi kier gradici Minister Plenipotenciario sr. Ady Thijsen pa a habri e posibilidad aki, y tambe Directora di Arubahuis sra. Joselin Croes cu ta un motor tras di e proyecto aki. Mi tabata presente y




por a scucha cada un di e studiantenan nan vision y motivacion pakico nan a uni nan mas pa ta parti di e “Studentenraad”. Mi ta hopi orguyoso di cada un di nan pasobra nan ta studiantenan cu ta dispuesto pa duna di nan mes pa asina yuda e otro studiantenan. Nan ta sumamente activo den comunidad y tin

un entusiasmo enorme pa yuda otro. Mi tin tur confiansa den e proyecto aki. Awor cu e “Studentenraad ta instala, Gobierno ta en espera di e prome recomendacionnan pronto pa asina por cuminsa traha riba nan pa yuda tur e studiantenan na Hulanda”, Prome Minister a expresa.

Prome Minister Evelyn Wever-Croes:

PROME MINISTER A ASISTI NA E CEREMONIA DI E CELEBRACION DI 450 AÑA DI UNIVERSITEIT LEIDEN

Recientemente Aruba a cera un MoU cu e Facultad di Medicina di e universidad



Dia 7 di februari a tuma luga e celebracion di e 90 lustro di Universiteit Leiden. 450 aña pasa Universiteit Leiden a ser funda y ta e universidad di mas bieu di Hulanda

Pa e ocasion aki Prome Minister Evelyn Wever-Croes y Minister Plenipotenciario Ady Thijsen a ricibi invitacion pa asisti na e ceremonia oficial di e 450 Dies Natalis di Universiteit Leiden na

St. Pieterskerk. A trata di un e ceremonia solem y conmovedor cu hopi invitadonan special.

Den transcurso di añanan, centenares di Arubiano a studia y obtene nan titulo na Universidad di Leiden y den actualidad tin varios estudiante Arubiano na e universidad. Universiteit Leiden ta alma mater di Prome Minister di Aruba y tambe di Prinses Beatrix, ken tambe tawata presente pa e ceremonia.

Prome Ministernan ta indica cu recientemente Aruba a cera un MoU (Memorandum van overeenstemming) cu e Facultad di Medicina di Universiteit Leiden y asina crea mas posibilidad pa studiantenan di Aruba por haya cupo pa specilisationnan.

“Mi ta contento di por a asisti na e ceremonia. Apesar di e schedule druk, nos por a traha tempo pa por tey na Leiden y

atende esaki. A trata di un momento hopi special y solem, pero tambe un momento pa celebra e cooperacion entre Aruba y e universidad importante aki. Minister Plenipotenciario Ady Thijsen tin bon contacto y bon relacion cu e universidad di Leiden, mescos cu mayoria universidad na Hulanda pa asina logra bon palabracionnan pa nos studiantenan”, Prome Minister a expresa.

SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen



Saludos lieve mensen ! Spera cu tur cos ta bon cu e salud y cu famia. Manera priminti, awe nos relato encuanto un dushi anochi inolvidabel dedica na Joyce Pereira, un homenahe na un dama cu gusta studia y profundisa su mes den nos dushi idioma Papiamento. Recientemente su famia, coleganan den e ramo di nos lenga materno Papiamento y algun

amigonan a bini hunto den “Cas di Papiamento” completamente yen, pa a duna Joyce Pereira un bunita homenahe pa tur su bunita trabaonan, dedicacion y logronan den su bida te cu awor, ketobay yudando segun peticion, personanan cu nan documentonan, bukinan y of otro proyectonan cu tin di haber cu nos idioma Papiamento. Entre otro a hiba palabra di

elogio y aprecio pa Joyce, sra. Swinda Maduro Schwengle, e curason y motor tras di e bunita anochi aki, sr. Ramon Todd Dandare cu a fungi tambe como e MC, sr. Wim Rutgers y algun persona mas. Nos como e Poeta di pueblo a laga mi casa Johan graba mi recitacion di un poema, scirbi y dedica na amiga Joyce pa cu e ocasion bunita aki . Nos a email e pa sra. Swinda cu a laga hinka e poema aki den e programa e anochi ey, cu otronan tambe por a wak y scucha ful e programa na cas via un link. Nos kebrante di salud no a permiti nos tey presente en persona. Ramon Todd tambe a recita algun bunita poema e anochi ey y tur e oradornan a papia cosnan bon y bunita di Joyce. Nos no por keda sin felicita Joyce cu a habri e anochi



cu fragmentonan, notanan di su presentacion di su estudio hasi pa su titulo di dr. adkeri, masha pero masha interesante y impactante mes. Nos tur por sinia di Joyce. E caminda pa yega unda ta desea di yega a tarda, tawata largo cu cambionan di ministernan di ensenanza cu tawata kita pone kita pone, pero segun nos por a comprende, tin lus atrobe na horizonte pa cu nos lenga materno y nos muchanan na scol. Enfin, nos ta clausura nos relato di e siman aki cu nos poema dedica na Joyce Pereira, un dama nechí elegante hopi pero hopi sabi cu un curason di oro. Un shon di hende cu ta bisa’bo e cos manera e ta. Serio, sincero, directo cu hopi bunita lus den su bunita alma. Danki lieve Joyce, pa bo amor y dedicacion asina grandi pa bo isla Aruba y pa nos idioma.

Pa Joyce
Combersando cu mi casa algun siman pasa
Mi tawata bis’e con bendiciona mi ta
Pa tin bon amiganan di tur edad, di tur raza, di tur religion,
di tur profesion, tur nivel, amanan di cas, den tur skina di Aruba
Cu mi ta contento di por ta amiga cu un Dr.
Cu titulonnan academico bunita
Pero cu su curason mas bunita cu e titulonnan
Cu mi ta sinyando hopi di dj’e


Cu mi ta admir’e, apreci’e y stim’e
Awe mi kier felicit’e cu e homenahe bunita duna na su persona
Cu ta sona bunita y bon mereci
E ta un hende muhe bunita cu un bunita alma
cu mente fija riba locual ta bunita y bon
Un ser precioso cu bon curason
Danki Joyce Pereira pa tur bo dedicacion
den bo trabao y awor como penshonado voluntario
Den tur locual tin di haber cu literatura y nos dushi papiamento
Amiga, sea semper contento !
Y gradicido pa bo rikezanan na salud y sabiduria !
Sigui goza bida cu alegria
Sigui inspira tur ,tur rond di bo
Dios ta wak y sa ,e conose bo pasonan y cada movecion
Pa gracia e ta manda’bo cada dia su bendicion!

Clasificados

SOLODIPUEBLO@GMAIL.COM
CEL.585 9500

SOLO Di Pueblo

ACCIDENTE CU BASTA DAÑO Y UN PERSONA LEVEMENTE HERIDA NA DAKOTA



Diabierna merdia a drenta informe di un accidente cu hende herida na Dakota, mesora a dirigi tanto polis como ambulans na e sitio. Na yegada di e patruya a por a compronde cu aki

ta trata di un accidente pa falta di preferencia entre un pick-up y un van. Debi na e impacto un persona a resulta levemente herida. Na yegada di e ambulans nan a atende e victima.

Balast di lus a cuminsa saca huma den oficina di fruteria



Diabierna mainta a drenta informe di cu tin acumulacion di huma den plafond na un fruteria na Oranjestad, mesora a dirigi tanto polis como bombero na e sitio. Na yegada di e patruya a bin compronde cu aki ta trata di un balast cu a overheat y unabes cu nan a paga esaki e acumulacion di huma a stop. E lampi a ser kita y a bay over na cambia esaki.



CHAUFFEUR A PERDE CONTROL BAY DAL RIBA E MURAYA NA E ROTONDE BANDA DI LING & SONS



Diabierna madruga a drenta informe di un accidente na e rotonde banda di Ling & Sons na Schotlandstraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un Nissan March a perde control y a bay dal riba e muraya riba e rotonde. E chauffeur mes a sali ileso pero su auto a keda na werki te cu takelwagen mester a kit'e for di eynan.



ALUMNO A BIRA MALO NA E.P.B. SCHOOL



Diabierna mainta a drenta informe di un accidente den parkinglot di C.M.B. Palm Beach, mesora a dirigi un patruya na e sitio. Na yegada di e patruya a bin compronde cu aki un

dama chauffeur den un Hyundai Accent saliendo for di e parkinglot cu su telefon cu waya na dje a lora pega na e stuur y a bay dal no un pero 2 auto staciona, ela dal prome

un MG ranca su bumper completo y despues dal un Kia sportage rancando su plachi number. Afortunadamente ningun hende a resulta herida.

Accidente hit & run den oranan di madrugada na Sero Patrishi a laga basta daño atras



Diabierna madrugada a drenta informe di un accidente na Sero Patrishi, mesora a dirigi un patruya na e sitio.


Na yegada di e patruya a bin descubri cu e auto cu a ocasiona e accidente aki a bandona e sitio lagando



basta daño atras. E chauffeur a dal e muraya di e cura kibra y tambe un meter di awa. E personal di W.E.B. mester a bini pa repara e meter di awa. Polis tin e caso aki bao investigacion.



**DAMA CHAUFFEUR CU CELULAR CU WAYA DEN SU
MAN A LORA PEGA RIBA E STUUR Y A BAY DAL 2
AUTO MAS DEN PARKINGLOT**



Diabierna mainta a drenta informe di un accidente den parkinglot

di C.M.B. Palm Beach,
mesora a dirigi un
patruya na e sitio. Na
yegada di e patruya a
bin compronde cu aki un
dama chauffeur den un
Hyundai Accent saliendo
for di e parkinglot cu su
telefon cu waya na dje a


lora pega na e stuur y a bay dal no un pero 2 auto staciona, ela dal prome un MG ranca su bumper completo y despues dal un Kia sportage rancando su plachi number. Afortunadamente ningun hende a resulta herida.

DAMA TURISTA A CORTA BAO SU PIA CU GLAS NA UN HOTEL NA












Diabierna mainta a drenta informe di cu un dama turista lo a corta bao su pia cu glas, mesora a dirigi un ambulans na






e sitio.
Na yegada di e ambulans nan a
duna e dama prome auxilio y a
atende pa e corta na su pia.




Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia 🎡 - February 09, 2025




Sorteo # 4532
3288
4252
5415

FP

Sorteo # 4532
0089

FP

Sorteo # 2588
1657

Sorteo # 4532
8317
Acuario

Sorteo # 1406
084

X2

	
Sorteo #	Joker Letter
0 x Jackpot	Proximo Jackpot
0 x Match 4+	100.000,-
0 x Match 4	
0 x Afl. 12,00	
	
Sorteo # 6738	02-05-14-16-23
0 x Jackpot	Proximo Jackpot
6 x Match 4	62.000,-
98 x Afl 8,00	
	
Sorteo #	Mega Ball
0 x Jackpot	Proximo Jackpot
0 x match 4	1.400.000,-
0 x Afl. 500,00	
0 x Afl 50,00	
0 x Afl.15,00	
	Afl. 2.200.000,-
	
Sorteo #	



FUSE CU A BULA DEN E AREA HOTELERO A LAGA ALGUN HOTEL Y NEGOSHI SIN CORIENTE PA BASTA RATO



Diabierna madruga a drenta informe di un interupcion di suministro di coriente banda di area hotelero, mesora a dirigi e electricistanan di ElmarNV pa atende cu e problema. Despues di un investigacion a descubri cu ta un fuse a bula den

e area ey cu a causa e interupcion. Mesora nan a re-emplasa e fuse y poco poco a switch tur cos pa normalidad.

ROSARIO BIBO DIARANSON 12 DI FEBRUARI NA ALTO VISTA

Diaranson awo, 12 di februari, lo tin otro Rosario Bibo na kapel di Alto Vista. Manera ta custumber tur luna, fielman ta reuni na pia di Birgen di Alto Vista pa pidie su proteccion pa nos isla y pa nos casnan di famia. Ta cuminsa resa pa 7 or y mey di anochi y cada persona por presenta su intencionnan personal y general. Mundo ta pasando den momentonan dificil y pesey tur orashon ta yuda pa tranquilidad den cada pais y naturalmente pa Aruba tambe.

Diaranson ta dos dia prome cu dia di Amor y Amistad y ta

momento pa nos reflexional riba loke Hesus a siña nos, esta pa nos stima nos ruman, nos prohimo. Duna atencion na nos grandinan, tur enfermo, esnan den cualkier necesidad sea material of spiritual.

Comision organisado ta invita tur fiel pa asisti na e Rosario Bibo pa luna di februari, diaranson awo 12 di februari na kapel di Alto Vista.



“Señor ta mi wardador, mi’n tin falta di nada
Den cunucu di yerba berde e ta ponemi sosega.

E ta hibami na awa trankil,
Pa mi bolbe haña forsa”.

Salmo: 23

Nos ta anuncia fayecimento di:



Odette Josefina Caster-Molina

*20-07-1936 - †06-02-2025

Acto di entierro lo wordo
anuncia despues.

Oracion di dia

**Un feliz dia yena di hopi fe y speransa
den nos bon Dios**


”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.



Cu honda pena, pero conforme cu decision di Dios, nos ta anuncia fayecimento inespera di nos tan stima casa, tata, suegro, welo, omo, y amigo stima...

Virgilio Pascual Laclé

Mihor conoci como “Milo”

Naci: 24 Dec. 1937 • Fayeci 3 Feb. 2025

Na number di su casa:
Alejandrina Laclé-Tromp

Di su yiunan:
Nilton Laclé y yiu.
Andy, Marien Laclé-Diaz Rios y yiu.

Di su nietonan stima:
Mitchell Laclé.
Jake Laclé.

Na memoria:
Milo awor ta acudi cerca su rumannan kendenan a bay prome cune, esta Ovid Laclé, Dufi Laclé, Chai Laclé, Sildo Laclé, Etta Theysen-Laclé, Chichi Laclé, Eddy Laclé, Pina Lindeborg-Laclé, Efe Laclé, Sita Croes-Laclé, y Annie Laclé.

Na number di su cuñanan:
Bertha Fingal y yiu, Lita Tromp y yiu, Magdalena Tromp y yiunan, Livia Vrolijk y yiunan.

Cu hopi cariño: Na number di sobrino- y sobrinanan hopi costumbra, Jeanette Bruin-Laclé, Sharine Vrolijk, Alfred Lindeborg, Helene Wong-Croes, Lientje Laclé, Dr. Gregory Laclé, Yvette Laclé, Franklin Laclé, Renny Laclé.

Bisiña- y bon amigonan di cas:
Jane Oduber, Calvin Tromp y famia, Dekka Feliciano y Herbie, Marlin Erasmus y famia, Shuliska Rosaria, Shirley Oduber y famia, Emily Croes-Oduber y famia, Susana Schwengle, Teng Werleman, Carlos Brokke y famia. Tur su prima- y primonan.

Tur su ex-coleganan: Di Lago Oil & Transport, Ltd., Exxon Mobil Baytown Olefins Plant, Valero Refinery Powerhouse unit, ex-colega y hungadornan di Sport Club Aruba na Paradera.


Demas famia: Laclé, Tromp, Diaz Rios, Rosaria, Fingal, Oduber, Vrolijk, Lindeborg, Bruin, Croes, Upegui, Franken, Giel, Ras, Yarzagaray.

TA INVITA pa oportunidad pa condoleer riba Diamars, 11 Februari 2025 na Royal Funeral Home na Cumana, for di 7:00 pm te cu 9:00 pm.

DESPEDIDA di nos Milo stima lo tuma lugar riba fecha di Diaranson, 12 Februari 2025 na Royal Funeral Home na Cumana, for di 2:00 pm te cu 4:00 pm. Despues di respons lo sigui pa entierro na Santana Catolico di Paradera.

Enves di flor of krans, famia ta bay sigui yuda Milo kende semper a stima y tabata haci donacion casi henter su bida na e hobennan dinamico di **YMCA San Nicolas**. Lo tin un box disponibel pa haci e donacion.

Despues di entierro, no ta acepta bishita di condolencia na cas.



SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

POLIS CONTROLANDO AUTO DEN ORANAN LAAT DI ANOCHI

Diahuebs anochi di a descubri cu polisnan di Noord a para un auto na Shaba pa un control despues di a descubri cu papelnan no tabata na ordo a duna e chauffeur un boet. E tipo di controlnan aki lo sigui tur esaki ta pa por tin un trafico mas sigur riba caminda.



JEEP A BOLTER Y PEGA CANDELA NA COSTA NORTE

Caminda pa Natural Bridge



Diasabra atardi hendenan ariba e caminda di tera cu ta bay pa Natural Bridge a topa cu un auto, aparentemente un Jeep cu a bolter y tawata na candela.

ALGUN RATO PROME
Segun informacion oficial,



dos persona tawata den e vehiculo aki ora cu e la bolter.

Di un of otro manera, nan a logra sali di e Jeep y ta logra kita ambos plachi number y bandona e sitio. Un rato despues e auto a pega candela.

Brandweer a wordo poni na altura, di un auto na candela y cu e la cuminsa cende yerba na candela.

No ta conoci si ta trata di un vehiculo di tour y ni si e personanan cu tawata den dje a resulta herida.

TURISTA A CAY FOR DI BUS MAINTA TEMPRAN DILANTI AIRPORT

Diabierna mainta tempran a drenta informe di cu un persona lo a cay for di un bus dilanti airport y a fractura su pia, mesora a dirigi un ambulans na e sitio.

Na yegada di e ambulans nan a atende e persona pero ela prefera si bay cu auto particular pa hospital.

